

楊襄毅公本兵疏議

楊襄毅公本兵疏議卷之十九

覆貴州巡按御史潘一桂條陳地方事宜疏

少保兼太子太保兵部尚書臣楊博等謹

題為博集輿論勉効愚衷以靖遐方以裨

聖治事職方清吏司案呈奉本部送吏科抄出巡按貴州
監察御史潘一桂題奉

聖旨該部知道欽此欽遵抄出送司案呈到部看得巡按
貴州監察御史潘一桂條陳三事合就開立前件議
擬上請定奪嘉靖四十五年五月初五日題奉

聖旨依議行欽此

一激勵官舍以圖報効看得巡按御史潘一桂所陳其論甚詳其意甚善但文武原屬二途昏明自難一律若使襲替之時考試不中者既發回肄業難以策勵者又給支半俸科條太密不惟致犯十年革發之例亦且深中諸吏刁索之奸臣等不敢輕議合無斟酌所議移咨都察院通行天下巡按御史止照先年御史朱孔陽題准事例行令各都司府州縣衛所各將武職應襲兒男并已經授職年二十五以下者通行收寄在學講習經史操演武藝每季終府州縣正官會同該衛掌印官考驗弓馬策略分等紀錄歲終

提學守巡等官考試優劣從宜賞罰以示勸懲

一計處兵食以實邊備看得巡按御史潘一桂欲將貴州等一十八衛黃平普市二千戶所軍士原係湖廣四川二省三戶梁充節年逃故者併行貴州管糧叅政清勾一節可謂一舉兩得合無備行見任叅政陳應和前去湖廣四川不妨催徵原務兼理清軍至於定立完欠候代離任等項事宜悉如所擬施行一議處兼制以杜侵攬看得巡按御史潘一桂欲將五開等衛武職襲替俱由黎平府勘結軍政考選賢否亦許該府填註似爲相應但欲各軍俱聽府官兼

制卜羊九牧殊非

祖宗建設之義合無斟酌所擬備行湖廣貴州撫按官通行各該司道以後五開等衛如遇各官襲替俱要經該府勘明方准起送五年考選軍政亦聽府官填註考語衛官既與該府政體相關軍士一切侵攬等弊自當不令而行不禁而戢通變宜民可以經久

請備紫荆諸關防禦畿甸疏

題爲預計虜情戒嚴紫荆諸關以重畿甸事職方清吏司案呈照得京師之左則爲薊昌二鎮外與宣府並來四海治遼東寧遠前屯等處俱與相連京師之

則爲紫荆倒馬龍泉馬水諸關口外與大同靈廣宣
府保安新城等處輔車相依即今古北十路防禦煩
嚴南山一帶修守已密萬一賊虜踵往歲之故智窺
伺紫荆則保定良涿均在可慮皇乞查處案呈到部
看得保定一鎮觀其形勢則宜大在外虜蹤固難卒
至論其殷富則畿甸在內虜心實所未忘連歲以來
專窺薊昌二鎮即今二鎮防守既嚴譬之橫流之水
不決於此必決於彼事理甚明臣等早夜籌畫不遑
寢食相應亟爲議擬合候

命下一面備行總督薊遼保定侍郎劉燾嚴督巡撫都御

史張師載總兵官尹秉衡及各該兵備速將紫荆倒馬龍泉馬水諸關口親詣體勘要見通賊大小去處曾否逐一修完所列主客兵馬是否一一強壯虜若深入果能以戰則勝以守則固即今應該作何區處文書到日限二十日以稟具本回奏一面咨行總督宣大尚書趙炳然將防秋兵馬預計停當虜若越過大同直犯紫荆白石口寧靜卷山西大同兵馬該從何路策應虜若越過宣府直犯馬水金水口宣府兵馬該從何路策應明白奏知太抵居庸南山爲重而紫荆馬水即次之虜犯南山則近而易我兵仍當堅

壁以待虜犯保鎮則遠而難兵以相機以行全
在趙炳然臨期斟酌均非臣等所能遙制嘉靖四十
五年五月初六日題奉
聖旨是欽此

議選練州縣民壯疏

題爲議處州縣民壯以修內地兵政事職方清吏司案
呈查得弘治二年該本部題准令天下州縣選立民
壯照依里社以爲額數如州縣七八百里者每里僉
二名五百里者每里僉三名三百里者每里四名百
里以上者每里五名大約多者千有餘名少亦不下

四五百名即今相沿日久名在實亡每遇地方有警動稱無兵必須仍復

舊制以壯兵威以嚴內治呈乞計處等因案呈到部看得今之郡縣即古之諸侯昔人謂與之地土人民而不與兵是以匹夫而守一州誠爲至論弘治初年本部尚書馬文升有見於此選設民壯量里社多寡爲編僉則數遠慮深謀真得古人寓兵於農之意若使州縣正官果能蒐選得人訓練有法無事可以彈壓奸宄之心有事可以坐收擒剿之效邇年以來浸失原意或以之調防邊塞或以之抽補軍役甚者公然折

銀私自後占徒有民壯之名未見兵勇之實卽如近日四川南直隸妖寇之變攻陷城池焚劫官庫守土官員坐視縱橫束手無策誠爲後車之鑒所據該司具呈前因相應亟爲議擬合候

下并行南北直隸并十三省巡撫都御史轉行兵備守巡該道著落各府州縣掌印官照依弘治二年事例卽查本州縣原額守城民壯若干見在若干逃亡未補若干中間守邊抽軍折銀各若干卽今應該作何處置或將本處見有快手機兵等項改補止要查復原額之數不必多增一人以致勞民傷財文書到日

通限兩箇月以裏開款奏聞稍候規畫事定縮立隊伍每五十人爲一隊設隊長一名一百五十人爲一總設總管一名專理責之州縣巡捕官兼理責之州縣掌印官總理責之該府掌印官各查空閑官地一區立爲民壯教場春夏秋三季月操六次至冬操三歇三務使武藝精熟器械修整如遇草寇生發即便督率勦捕有兵備官處聽兵備官無兵備官處聽守巡該道官不時教閱撫按官巡歷至處與同衛所官軍一體操練如果有人強執精卓有成效許其特爲奏薦重加獎賞怠玩廢弛者指名叅究歲終巡撫官將

該管守巡兵備掌印巡捕官開註勤惰送部查考如敢占役查照私役軍人事例重加降罰一整飭之間既無增餉之勞立見足兵之利事關機要伏乞

聖明俯賜裁定嘉靖四十五年五月十二日題奉

聖旨是欽此

覆左給事中馮成能等跪寧武軍變遼東叛夷疏題爲邊關兵士爲變乞 賜究治根由嚴法紀以警將來以靖疆圉事職方清吏司案呈奉本部送兵科抄出兵科署科事左給事中馮成能等題奉

聖旨兵部知道欽此抄出送司卷查先該山西督撫官尚

書趙炳然等題爲棍徒作俑乘機劫財事本部議得
寧武之變總兵兵備等官典守之罪均屬難辭查照
原擬將兵備沈紹德免究總兵董一奎戒諭守備董
大衆罰治旗牌郝洪提問及曉諭脅從之人首惡既
已伏誅其餘被其誑惑者不問又該遼東督撫官侍
郎劉壽等題爲邊官捐軀禦虜懇乞

聖明特賜恤典以慰忠魂併乞究治失事官員事內稱總
兵官佟登往往失事似應併究本部議將陣亡備禦
等官苟麒麟等贈官優卹及行巡按御史將失事官王
承祖等通行提問干碍佟登一體勘擬俱經覆奉

欽依欽遵訖又該遼東督撫官侍郎劉燾等題爲達賊犯

邊事本部看得西興堡高橋舖失事重大一面行巡按御史查勘搶殺人畜攻破墩堡有罪人員指名叅奏一面行督撫官整飭軍馬防賊再犯務擒叛夷黃勇以絕禍端去後今該前因通查案呈到部看得兵科署科事左給事中馮成能等具題前因大略有二其一則謂山西寧武之變始於平日將領統馭無策所致欲將總兵官並一奎重究巡撫王繼洛戒飭并查覈致變之由禁革需求之弊其一則謂遼東黃勇之叛止因裁革米新賞犒遂致攻搶殺掠欲將總兵

官佟登究治巡撫魏學曾遠行驅勦及分別夷夏之
防豫杜輕侮之漸各一節均於邊計大體有關除王
繼洛新任免究外大抵山西自老營堡軍變以來耳
目習染漸成驕悍之風即使將領乖張法紀在上豈
容輒肆叛逆遼東自黃勇遁逃以後烟烽傳報殊無
寧息之日要之兵馬單弱內治不修難以全坐勾引
但董一奎佟登先已奉

旨處分固難別議仍當重加申飭以示後戒合候

命下本部移咨山西都御史王繼洛會同巡按御史一面
將寧武軍變一事再加體勘果如總督前奏遵奉

欽依脅從之徒姑從寬貸明白者諭令其仰感

天恩保全身家不計宜頑首固自干

國憲一面將董一奎嚴加戒諭果有貪害不法作速改圖如敢偃蹇如故曾本奏恭候

宸斷其黃勇一事亦咨本部移咨遼東都御史魏學曾通行大小將領嚴謹邊備但遇夷虜侵軼努力捍禦如近日守備郎得功之捷方稱委任如或踵習夙弊需索常例如紙筆節儀狼皮馬尾及扣糧撫賞之類輕則聽督撫官以軍法處置重則拏解來京究問其佟登果能將黃勇設法擒斬不惟免其罪狀仍加陞賞

以後各邊來降夷人督撫官照例起解安插不許輕
易存留養虎遺患嘉靖四十五年五月十九日題奉
聖旨是欽此

會議監工科道官倪光薦等疏濬京城河渠疏
題爲循職掌據見聞議修復以壯國威以裨萬世治
安事兵科抄出工科等衙門左給事中等官倪光薦
等題俱爲前事俱奉

聖旨兵工二部看了來說欽此欽遵通抄到部卷查先該
工科都給事中王元春等題奉

聖旨兵部會同工部便看了來說欽此隨該本部等衙門

會議外城河渠候前項工程完日另議施行仍待工
科奏差給事中一員都察院劄委西城御史巡督一
面先同二部司屬親詣四山河源所在逐一踏勘臣
等覆勘但有臨河引水灌漑田園致塞渠流者責令
作速改正勢豪之家如敢抗拒違阻挑聽科道官指名
叅奏以憑重治以後如有損壞低窪照依天順六年
題准事例隨即填補修築不必拘定三年五年之限
等因覆奉

聖旨是這城河開壩便擇日興工疏濬修理勢豪抗違阻
撓的著巡督科道官指名叅奏欽此已經遵行各該衙

明各委官會勘去後今該以前因臣等會同少保兼太子太傅工部尚書臣雷通等看得巡督河工工科等衙門左給事中等官倪光薦等所題二疏其一謂內城東西北三面城河無險可恃其工固當早完新城東西南三面城河護衛城其工亦不可緩其二謂廣寧門迤北至西便門外形太狹不可不處其三謂西湖上下一帶至高梁橋間堤壩當修淤塞當濬私竊盜引水利者當革當核要皆得之體勘之真臣等無容復勘相應通行議處合候

命下等臣等二部通行兵部

事題憲工部員外郎沈子

木嚴督在工恭遊都司劄付等官稍候內城東西北河身挑濬完日先將新城三面河身河堤量照內河規制以次修舉最後方修內城南面河工其西便門迤南廣渠門迤北近河隄岸獨為窄狹一面向外再加剗削務使寬廣一面用石包砌城角以防壅決之患官民莊園果有妨碍者工部給與價銀徑自拆改青龍橋木閘薄漏不堪工部改修減水石閘一座高約五六尺寬約二三尺上加木板酌量河水淺深天雨多少隨時啓閉仍定委司屬官一員宛大二縣各派閘夫十名管理守視大龍王廟以下古河梁橋以上

或私置暗溝或種植蔬菜明係居民相沿作弊姑免治罪聽其自行填塞改正工部仍添用官灰官石如法修砌以圖經久西城御史出示定限責令完報如敢抗違應拏問者拏問應奏者奏奏以後御史每季一行巡視地方總甲每月朔望具結呈報至於湖南一帶原係野泊不必再行築隄止有功德寺上下蘆葦蒨結海潮庵左右沙土淤塞兵部各撥軍夫另行挑濬未盡事宜仍聽工部隨宜舉行及照做工官軍時當盛暑勞苦陪常戎政衙門并臣等兵工二部每月各犒賞一次除戎政工部各有堪動銀兩兵部

於太僕寺支取罰工銀二千兩發與職方司坐委相
應官員經理支銷倘有不敷再行添支以見悅以使
民之意通乞

聖裁嘉靖四十五年五月二十二日題奉

聖旨是欽此

覆巡撫延綏都御史王遴條陳邊務疏

題爲重鎮危急敷陳末議以圖久安長治事職方清吏
司案呈奉本部送兵科抄出巡撫延綏等處地方都
察院右僉都御史王遴題奉

聖旨該部看了來說欽此欽遵抄出送司案呈到部看得

巡撫延綏都御史王遴條陳四事合就開立前件議
擬上請定奪嘉靖四十五年五月二十六日題奉

聖旨調兵原非可久之計著劉燾嚴督鎮巡兵備等官補
練鎮兵以漸減省調發延綏遊兵且先添募一枝其餘
依擬行欽此

一量復修築城堡官員以便督責大率謂本鎮先年
設有叅政叅議專修城堡後因裁革年久城堡傾圯
欲要查照前例添設府同知一員專管修築城堡事
務委於相應但地方廣遠元年叅政二員整理尚難
即今廢墜充甚一人豈能獨辦合無斟酌所

本部移咨吏部添設府同知二員俱於延安府列銜榆林鎮駐劄分管邊腹城堡修理事務不許干預別事應用吏書門皂廩糧等項俱聽王遊隨宜查處本官果能盡心職業克收保障總督撫按官不時奏薦照依近例徑陞憲職如或廢職怠事致誤邊防亦要不時叅究更置賢者以修實政

一禁革調操搶兌以實營堡大率謂本鎮邊堡軍馬近因入衛遊兵逃故補發總兵官挑搶團操以致各營堡空虛哨瞭爪探一切俱廢欲要通行禁革并將所調尖兒手散歸堡寨保障地方委於邊防有益但

言之不難行之爲難其責全在巡撫合無依其所擬
備行王遴即將總兵衙門原調尖兒手人馬查照各
堡地方盡數發回仍嚴行各該營堡將領以後該管
軍馬各要緊加操練務期一一精勇以資戰守不許
擅自調操搶兌以致卑弱以召虜患其入衛遊兵軍
士若有逃亡事故者鎮巡衙門徑於本軍戶內勾補
果係丁盡戶絕亦要設法召募充補原額再不得指
以挑選爲名致壞邊政

一議處入衛遊兵以抹危急大率謂該鎮各處兵馬
僅足自禦後因薊鎮選兵四枝入衛及軍門抽選標

兵九百即今士馬卑弱城堡危急欲要量減遊兵一枝或每年發銀五萬兩并還標兵九百該臣等看係事在薊鎮難以懸斷隨經移咨前去查議隨准總督侍郎劉燾巡撫都御史耿隨卿咨稱入衛遊兵未敢輕減募軍銀兩歲有常用止欲延綏將每年入衛遊兵每營存留三百以抵薊鎮標兵九百之數臣等竊惟薊鎮入衛之兵既無減免之期延鎮常守之兵當爲調停之計合無斟酌所擬備行王遴查照薊鎮咨文事理以後入衛之兵每營止發二千七百員名其餘三百存留在本鎮仍准募遊兵二枝合用募軍

買馬銀兩并何官堪任遊擊會同總督巡按衙門逐

一議處明白開坐具奏以憑戶兵二部照例處發

一請遣大臣經略以定群議大率謂該鎮節年修邊

馬價銀兩十數餘萬見今邊牆墩臺未完馬匹不足

廢壞因循積非一日欲要請命文職大臣或科臣

一員前去經略無非親見地方大壞極弊欲借

廟堂之力早為振飭但惟彼中見有總督侍郎職專閫寄

巡按御史職司風憲若再差大臣科臣事體反不歸

一合無斟酌所擬備行總督侍郎陳其學親詣延綏

鎮城會同巡撫都御史王遴巡按御史溫如玉一面

將延綏一鎮修過城堡墩臺并過馬匹用過錢糧從實查勘如果干礙先任鎮巡一體叅論一面將一切兵食戰守事宜應該作何區處文書到日限一月以裏會本具奏

覆巡視京營科道官段朝宗等條陳營務疏

題爲陳末議責實效以飭營務以重秋防事職方清吏司案呈奉本部送兵科抄出巡視京營禮科等衙門右給事中等官段朝宗等題奉

聖旨兵部看了來說欽此抄出送司案呈到部看得巡視京營禮科等衙門右給事中等官段朝宗等條陳六

事及清放支之條內與本部相關者合就開立前件
議擬上請定奪嘉靖四十五年五月二十七日題奉
聖旨依議行欽此

一曰嚴紀律看得軍法以嚴為主無事之時若使漫
無紀律臨警之際自難免其渙散所據巡視科道官
段朝宗等具題前因委爲營中第一要務合無依其
所擬備行戎政大臣嚴督各營大小將領申飭三營
官軍今後每遇開操之時黎明進營已時散營以鼓
精銳操中寓選選中寓操以收驍健合操列營分操
習射以精技藝必使兵將相識戰守咸賴方爲實政

如有點閱不到喧嘩失律者輕則以軍法細打重則調發邊衛其事全在戎政大臣加意振作不得姑息科道官從實糾論自難假借

二曰清放支看得士飽馬騰全在糧料所據巡視科道官段朝宗等具題前因除慎重支放官員戶部徑自議覆外合無依其所擬備行戎政大臣以後遇放折糧折草該管指揮千把總等官務要公同秤鑿足數給散敢有巧立名色肆行科剋如近日百戶焦純者聽科道官指實參論以憑拏送法司依律究問干礙將領一體治罪

四曰重副任看得京營副將比之叅遊其職稍崇當有節制之義所據巡視科道官段朝宗等具題前因臂指相使可謂得其領要合無依其所擬備行戎政大臣將副將張時春等再加酌議某長於戰令其提調戰兵某長於守令其提調車兵某精於火器令其提調火器因能授任各盡所長具由回奏其叅遊以下無事照常操備一遇有警悉聽分管副將調度如敢阻撓牴牾許副將叅呈總協科道處指名論治五曰慎總選看得京營事務將領總其大綱千總把總分其節目地近職親尤貴得人所據巡視科道官

段朝宗等具題前因無非慎重頭領之意今無依其所擬備行戎政大臣起今歇操將各營千把總會同科道官嚴加遴選如有老弱貪鄙之徒即行革黜另擇年力精壯行止端慎之人以補其缺但惟此輩賢否勇怯不甚相遠止當去其太甚若舊者去之太頻新者未必勝之徒增煩擾先將見任各官出示曉諭即有不法令其改圖以後如敢仍踵夙弊顯壞軍伍者聽戎政大臣及科道官察奏拏問

六曰精火器看得禦虜長技全在火器先該臣等題議打造連珠夾靶鎗砲正爲防秋所據巡視科道官

段朝宗等具題前因查與本部近議相同合無依其所擬備行戎政大臣嚴督副將張時春等將新造火器逐加試放精鍊堪用者鑒記官匠名姓給軍領放間有炸壞不堪隨時改造務求精堅便利不致虛費通候見製火器完日行令戎政大臣再加計算果不敷用應該作何議處具由奏請本部一面移咨工部不拘連珠砲夾靶鎗如法打造聽候給軍應用鉛子火藥藥線之類亦要作速查發以備該營防秋之用
七曰習馬射看得衝鋒致遠全在馬射所據巡視科道官段朝宗等具題前因委得禦虜機要谷無依其

所擬備行戎政大臣督令各營大小將領稍候秋防
開操之日將有馬官軍每五日教習馬射一次其馬
上舞刀舞鎗等項各隨所藝通行教演如果騎射優
長武藝通熟聽科道官動支該營子粒銀兩分別獎
賞騎射武藝生疎者亦要重加懲治以示後戒

八曰實城守看得城守之兵關係最重委當預處所
據巡視科道官段朝宗等具題前因查與戎政大臣
近題事理大略相同合無依其所擬備行戎政大臣
即查內城外城防守軍人共該若干見今在營城守
軍人計有若干不足者該於何處取補逐一分派停

當備造文冊三本一送兵部一送巡視科道一留該
營備照至於度置倉庾領貯軍器咨行戶工二部徑
自議處施行

覆湖廣撫按官谷中虛等究處承天衛刁軍疏

題爲地方事職方清吏司案呈奉本部送兵科抄出巡
撫陝西地方都察院右副都御史暫管原任巡撫湖
廣事谷中虛巡按湖廣監察御史陳省題俱奉

聖旨該部知道欽此又該守備湖廣承天府等處地方內
官監太監張方題同前事奉

聖旨兵部知道欽此欽遵通抄送司案呈到部臣等看得

承天衛軍士乏糧一事先以忿激而啟書手猶爲小節後乃擁衆出言知府殊傷大體府衛各官或催科失期或鈐束不嚴或刑責過當固爲有罪而軍士之罪亦自難辭以該巡撫守備巡按衙門會奏前來係干地方相應通行議擬合候

命下移咨都察院補行巡按御史陳省即將指揮胡晃曹茗朱來知府鄧文茂通提到官問擬回奏一面備行巡撫都御史公中虛會同守備張方將後次爲首軍士量拏數人及以軍法重加懲治改調極邊衛分以示懲戒其餘有從之徒姑不深究仍嚴加省諭令其

以後謹守 國法毋得真頑冒固自取身家之禍嘉

靖四十五年五月二十九日題奉

聖旨是這軍士好生不畏法度爲首的著撫按會同守備
官嚴行拏治胡日葵等巡按御史提問具奏欽此

請命川湖_新任撫臣會同按臣勘處支羅山寇疏
題爲川湖山寇_八未勘報乞爲查催以靖地方事職方
清吏司案呈_照得支羅山寇黃中一事節奉

明旨行四川湖廣_巡按御史查勘月久未見回奏呈乞議
處案呈到部_三得支羅山寇之變首惡已正典刑_一
洩生靈之憤_一從未見處分恐生反側之虞_一宜

有事諸臣或坐致敗衄罪當首論或悉心撫勦功當優錄或土兵效勞如彭翼南等尤貴處置得宜以服其心或逆屬投首如黃洪道等亦須情法允當以昭其信事關兩省風係諸夷委當早爲結正查得四川巡撫都御史譚綸湖廣巡撫都御史楊豫孫新任之始既於功罪無與夙望之隆又爲夷夏所欽相應令其會勘合候

命下備行譚綸楊豫孫會同四川巡按御史李廷龍湖廣巡按御史陳省即將黃中前後事情通行勘議要見四川之勦湖廣之撫孰是孰非孰得孰失何官有功

何官有罪何官功多罪少應該准贖何官罪多功少應該仍敘彭翼南等是否特效勤勞黃洪道等應該作何計處在湖廣投降者照舊安插於湖廣地方在四川投降者照舊安插於四川地方巢穴固當拆毀以絕禍根墳墓不當究掘以傷和氣文書到日限一月以裏會本回奏如或遲疑不決以致別啓弊端責自有歸悉聽該科從實參究嘉靖四十五年六月十一日題奉

聖旨是欽此

覆宣天總督尚書趙炳然分布防秋兵馬疏

題爲分布防秋兵馬事職方清吏司案呈奉本部送兵
科抄出總督宣天山西等處地方軍務兼理糧餉兵
部尚書兼都察院右都御史趙炳然題奉

聖旨兵部知道欽此欽遵抄出送司案呈到部看得總督
宣天山西軍務尚書趙炳然題稱防秋兵馬大率兵
分三等有擺守協守併守之不同將分各路有外防
內防夜防之不一至於以忠義不欺爲本以保護

陵京爲重以哨探決勝爲急義正詞嚴尤爲剴切相應通
行依擬合候

命下備行趙炳然嚴行鎮巡等官馬芳孫吳董一奎輩鍊

張志孝王繼洛杏照所擬一面著實遵行一面具由
回奏其副總兵任勇而下各將遵行過緣由呈部查
考若各該大小將領及兵備司道等官敢有不忠不
義致誤事機者則是自棄

聖明之世悉聽趙炳然指名叅奏但兵無常形機難預定
未盡事宜仍聽趙炳然臨期斟酌臣等不敢遙制嘉
靖四十五年六月十七日題奉

聖旨是著趙炳然嚴督鎮巡兵備等官相機戰守以固秋
防但有怠違的著便指名叅治欽此

覆宣大總督尚書趙炳然預計應援紫荆等關疏

題爲預計虜情戒嚴紫荆諸關以重畿甸事職方清吏司案呈奉本部送兵科抄出總督宣大山西等處地方軍務兼理糧餉兵部尚書兼都察院右都御史趙炳然題奉

兵部看了來說欽此欽遵抄出送司案呈到部看得總督宣大山西等處軍務尚書趙炳然題稱公同宣大山西三鎮議處過策應紫荆馬水之兵或邀虜前或尾虜後或攻虜瑕斟酌急緩等無遺策至於豫度宣東之警專意陵京責成保鎮之臣極力修守雖與臣等原議相同而發明尤爲透徹相應通行申飭

合候

命下移咨趙炳然一面嚴行宣大山西鎮巡等官趁今閑暇即將各該策應兵馬整棚停當一面責令各鎮將領選差的當丁夜深哨遠探先得虜情果有侵軼紫荆馬水等關消息悉照今議各馳戰地相機援應敢有退縮觀望如崔應奇盧國讓者悉聽軍門先以軍法重加處置若虜專窺薊昌二鎮總督大臣止當保固陵京防護南山不得輕易西馳致失東備本部仍行保定鎮巡官張師載尹秉衡速將紫荆倒馬馬水等關口險隘去處多方修繕查照先今事理一併

回奏不許遲緩嘉靖四十五年六月十七日題奉
聖旨是欽此

覆左給事中馮成能等請申飭京邊重臣防秋疏
題爲防秋屆期懇乞申飭當事臣工竭誠悉慮固本源
以昭安撫事職方清吏司案呈奉本部送兵科抄出
兵科署科事左給事中馮成能等題奉

聖旨兵部看了來說欽此欽遵抄出送司案呈到部看得
兵科左給事中馮成能所題申飭防秋其綱領則有
孚恩信振紀綱二端其條目則有去貪殘倡勇敢一
軍心行賞罰數事其究極則歸重于京營戎政敷陳

積弊極其剴切臣等無容別議但惟邊方之事居中
劑量臣等與該科止能言之分間宣力全在總督鎮
巡官加意行之即今一切戰守事宜言之未爲不詳
若使諸臣仍襲舊套不行幹理竟何濟於修攘之事
臣等以爲振肅紀綱先當自重臣始蓋重臣果能盡
統御之才成臂指之勢自可以上紓

皇上宵旰之憂或原無統御之才而冒榮席寵或雖有統
御之才而市恩遠怨均不容于

堯舜之世轉眄入秋相應亟行議擬合候

命下備行總督劉燾趙炳然陳其學并各該撫鎮等官

書到日各要會集偏裨官軍及家丁通夜人等先將紀綱一節再三曉諭使知手足頭目之義若總兵不用總督之命一面先以軍法重治一面具實叅究副叅遊守以下不用鎮巡之命一面先以軍法從事一面具報軍門處置軍夜家丁不用本管官之命一面先以軍法網打一面呈報軍門置之死罪其餘計處月糧器械犒賞優卹軍士等項不妨以次奏請若至臨時方行具奏希圖遮掩失事國典具存自難輕貸以後地方有功除照常覈勘外果有奇功在人耳目別無可疑者督撫奏到容臣等即時覆奏厚加陞

賞以示優異至於京營戎政腹心之地揆以居重御輕軍馬當練將領當嚴恩信紀綱當立比之各邊尤爲緊要備行總協大臣顧寰逢鳳翔一體修舉如外而總督撫鎮內而總協戎政仍以利害毀譽之故不行振飭綱紀悉聽該科與所在巡按御史不時叅論以修實政嘉靖四十五年六月二十四日題奉

聖旨是欽此

覆薊遼總督侍郎劉燾分布防秋兵馬疏

題爲分布防秋兵馬事職方清吏司案呈奉本部送兵科抄出總督薊遼保定等處軍務兼理糧餉兵部右

侍郎兼都察院右僉都御史劉燾題奉

聖旨兵部知道欽此抄出送司案呈到部看得總督薊遼
保定軍務右侍郎劉燾所題分布防秋兵馬緣由刪
去繁文修舉實政東警西警調度各有專責牆內牆
外扼守俱有成筭至於以身任薊昌之事先時備遼
保之兵尤得肯綮係于邊計相應通行議擬合候

命下備行劉燾通行鎮巡等官胡鎮劉漢尹秉衡王治道
耿隨卿等督同各該兵備司道大小將領各照所擬
信地所統兵馬深哨遠探躬親監督務使無事之時
分工修守以守則固有警之時併力勦逐以戰則克

胡鎮劉漢尹秉衡王治道耿隨卿各另具由回奏副
總兵申維岳而下通將遵行過緣由呈部查考各該
將領兵備等官敢有不行用心督視監理致悞機宜
者悉聽劉燾指名叅究以憑重治嘉靖四十五年六
月二十五日題奉

聖旨是這防秋事宜著劉燾嚴督鎮巡兵備等官用心幹
理但有違怠的即便指名叅治欽此

覆宣大巡按御史蒙詔報虜入寇戒備疏

題爲大舉聲息事職方清吏司案呈奉本部送該巡按
直隸監察御史蒙詔揭帖前事等因到部送司案呈

到部臣等看得即目盛夏原非醜虜入犯之時乃今
擁衆突入宣府地方意在乘我不備所幸該鎮大小
城堡俱已修理完固止當多方收保以老其師相機
設伏以邀其情但蔚州以西則爲紫荆諸關保安以
東則爲居庸諸口意外之防不可不慮除馬上差人
移文宣大總督尚書趙炳然薊遼總督侍郎劉燾等
酌量發兵徑自戰守仍行大同總兵官孫吳巡撫都
御史張志孝於天城陽和一帶或選勁兵奮搗巢穴
或據險隘大加遏勦務保萬全外嘉靖四十五年七
月初三日題奉

聖旨是欽此

覆保定督撫官劉燾等計處紫荆諸關隄備疏
題爲預計虜情戒嚴紫荆諸關以重畿甸事職方清吏
司案呈奉本部送兵科抄出總督薊遼保定等處軍
務兼理糧餉兵部右侍郎兼都察院右僉都御史劉
燾巡撫保定等府地方兼提督紫荆等關都察院右
僉都御史張師載題俱奉

聖旨兵部知道欽此欽遵通抄送司案呈到部看得總督
薊遼保定等處軍務右侍郎劉燾巡撫保定等府都
御史張師載各題前因大率皆爲計處紫荆倒馬龍

泉三關而設所據留勁兵以壯聲勢分兵備以司監
臨請重兵以赴應援審道路以嚴堵截四事均於邊
計有益但薊昌二鎮拱護京陵理當時時戒嚴審
計道路臨警應援乃總督侍郎劉燾之事駐劄地方
委難預定紮荆諸關千蹊萬徑勢難一一周匝區處
財力先事整飭乃巡撫都御史張師載之事空缺去
處仍當早圖秋防在近相應亟為議擬合候

命下備行劉燾一面督同總兵官尹秉衡差人於大同宣
府沿邊爪採果有的犯紮荆等處消息或親見苗頭
南向即便發兵策應大率留十路擺守之兵照舊擺

守用十路出戰之兵相機遏截應用糧料草束各該
管糧衙門預備以待一面公同巡撫都御史張師載
巡關御史杜從易并尹秉衡自井陘口起至馬水口
止逐一再加閱視但有未周末備責令兵備副使孫
一正沈應時曹科宋儀望各照分定監督地方嚴行
叅守等官上緊修濬務在八月以前堅完如法不許
徒事虛文又如往歲牆子嶺之變自取

嚴謹其民兵一枝彼中既謂如左右手不可相失亦聽劉
燾徑自酌量免其徵調務中機宜嘉靖四十五年七
月初四日題奉

聖旨是欽此

遵諭防虜秋深疏

題爲傳奉

聖諭事職方清吏司案呈奉本部送嘉靖四十五年七月

初八日該內閣傳奉

聖諭北賊此時乃難逞狂不可不防於秋深也欽此欽遵
傳奉到部送司案呈到部臣等看得即目雖已七月
仍屬盛夏炎熱方隆虜人衝之苦不能支其人入犯
爲難禾黍未孰虜爲食之因而多斃其馬入犯爲難
乃今不忌二難逞狂於宣府之境度其情狀秋深不

可不防誠如

聖諭但今歲自防春必使臣等無日不講防秋之事煎鎮
昌平保定有險可據難保虜之不來則屢議修守必
使匹馬不能入邊乃爲上策遼東宣府大同山西無
險可據難保虜之不入則屢議戰守必使虜蹤早爲
出邊始爲中策荷蒙

聖明在上雖在停禁之期一采賢俯賜施行臣等雅與
邊臣不勝幸甚即如今次宣府之警初一日虜自西
路突入總督尚書趙炳然拒之於順聖東城大同總
兵孫吳拒之於順聖西城宣府總兵馬芳拒之於渡

口宣府巡撫真鍊拒之於保安昌平總兵劉漢謹守
右庸等關保定總兵尹秉衡謹守紫荆等關而馬芳
充力戰數合勇氣百倍以故醜虜蟻聚而行狼奔而
退兵家制勝毋恃其不來恃吾有以待之况秋氣漸
深以其時以其機自有必來之理乎除馬上差人通
行總督鎮巡等官加意隱備一應軍務已經奏准者
作速遵行未經奏准者以次奏聞務保萬全外伏望
皇上少紓 聖懷嘉靖四十五年七月初九日題奉
聖旨是欽此

覆宣大總督尚書趙炳然論膳房堡戰功賞賚疏

題爲大舉達賊非時入犯屢被官軍奮勇擊逐甄別功
罪以示勸懲以勵邊將事職方清吏司案呈奉本部
送兵科抄出總督宣大山西等處地方軍務兼理糧
餉兵部尚書兼都察院右都御史趙炳然題奉

聖旨兵部看了來說欽此又該巡撫宣府等處地方贊理
軍務都察院右僉都御史龔鍊題同前事奉

聖旨兵部知道欽此欽遵通抄送司案呈到部看得總督
宣大山西軍務尚書趙炳然等題稱本年七月初一
日達賊三萬餘騎從宣府萬全右衛膳房堡東空進
入分犯丁寧水峪口等處地方官軍壯夫對敵斬首

一十八顆奪獲馬牛等項各賊敗奔出境緣由及稱
宣府總兵官馬芳血戰之功所當異錄軍門標下叅
將補於漢總兵標下前鋒把總解生中軍官焦澤王
臣標下把總張彥侯國均應重錄標下游擊葛柰宣
府遊擊龐堯臣王國勲宣府副總兵任勇遊擊劉寶
監督旗牌許雲鶴計安國原任叅將馮詔大同總兵
官孫吳遊擊范恭戴椿吳昆山西北樓口叅將孫鎮
均有追戰之勞山西總兵官董一奎中路叅將李官
巡撫中軍王尚忠又當次錄西路叅將劉國哨探不
實有誤軍機南路叅將應朝宗功罪相准萬全右衛

守備魏棟膳房堡守備張臣深井堡守備郝錦東城
守備李楹情罪次於劉國山西老營堡遊擊黑雲龍
所當重罰獲功陣亡等項及地方失事重輕轉行巡
按御史覈實具奏各一節爲照前項虛情未入之前
桑乾之水暴漲阻其南下之謀既入之後深井之兩
滂沱速其北遯之念潛消默奪寔惟我

皇上誠感玄穹所致但惟一時諸臣發蹤指示當以總督
尚書趙炳然爲第一而巡撫都御史冀鍊次之衝鋒
破敵當以總兵官馬芳爲第一而叅將補於漢把總
解生次之同心同德宣力宣猷以守則爲堅壁以戰

則爲奇功是誠數十年來未有之事其餘有功有罪
人員既該督撫官分別明白具奏前來係干激勸相
應通行依擬合候

命下將趙炳然馬芳特加優賚補於漢解生重加優賚翼
鍊重加賞賚焦澤王臣張彥侯國孫吳崙柰孫鎮任
勇同加賞賚王臣仍准贖罪並一奎龍堯臣王國勲
劉寶范恭戴椿吳昆量加賞賚李官王尚忠許雲鶴
計安國馮詔總督軍門分別犒賞應朝宗免其究治
黑雲龍姑加罰治劉國聽總督軍門先以軍法細打
仍取重辟招由與魏棟張臣郝錦李楹俱令戴罪防

秋完日另議一面移咨都察院轉行宣大巡按御史
再加查勘要見何官雖賞仍該陞級何官功浮於罪
何官罪浮於功何官功罪相准一應人員及各堡獲
功壯夫逐一分別等第此外如有隱匿失事重情亦
要從實一併具奏但恩威出自

朝廷嘉靖四十五年七月二十日題奉

聖旨是趙炳然賞銀五十兩紵絲四表裡馬芳四十兩冀
鍊三十兩各二表裡補於漢解生各三十兩一表裏焦
澤等各二十兩董一奎等各十兩黑雲龍罰俸一箇月
其餘依擬應查勘分別的著巡按御史上緊具奏欽此

覆巡撫順天都御史耿隨卿等防守陵山徑路疏
題為遵奉 欽依奏報體勘緩急邊工以慰

聖懷事職方清吏司案呈奉本部送兵科抄出整飭薊州
等處邊備兼巡撫順天等府地方都察院右僉都御
史耿隨卿題奉

聖旨兵部知道欽此又該鎮守居庸昌平等處地方總兵
官中軍都督府都督僉事劉漢揭同前事又該

天壽山守備內官監太監張保山題為

禁山安設榨木事奉

聖旨兵部知道欽此欽遵通抄送司卷查先該總督薊遼

保定軍務右侍郎劉燾題爲申飭邊工斟酌衝緩以
求戰守萬全事該本部從議得禁山一帶栽種樹株
以固藩籬收效十年之後謊砲兒等處添布宣兵以
衛門戶誠爲萬全之圖一面備行薊遼總督劉燾都
御史耿隨卿巡關御史杜從易嚴督兵備僉事張問
仁會同守備太監張保山備將禁山隘口亟行踏勘
除日下秋防仍用拘馬石木簽外稍候冬初各將應
用樹株相地栽種務使錯雜成行培植如法足以限
隔虜馬方爲長計仍不時差人巡視以禁軍民盜伐
如有違犯依律重究一面通行宣大總督趙炳然都

御史莊鍊總兵官馬芳將蔬砲兒等口再加查勘如果該添官軍徑自添設無事之時用心擺守以防奸細有警之時併力拒堵以伐虜謀二總督仍各具山回奏以憑查考等因題奉

聖旨是邊山樹木著通行各鎮栽種培植如有私伐的重行禁治欽此俱經通行欽遵外今該前因查呈到部看得巡撫順天都御史耿隨卿鎮守昌平總兵官劉漢等各題揭稱禁山灰嶺等口安設榨木拘石俱已完備及稱前項各口漸通入行仍要遵照先年題奉

欽依事理備行提督太監總兵兵備等官巡視盤詰不許

軍民人等私竊出入其白龍潭荒砲兒等處雖公差
哨夜亦不許擅自經由一節為照禁山之外雖有宣
府南山聯墩聯牆內而沙嶺灰嶺等處仍當設置重
險以保萬全所據榨木一事既該巡撫兵備官公同
守備張保山安頓停妥無容別議但恐奸宄之徒私
竊出入別生事端委當禁革以慎封守合候

命下移咨總督劉燾巡撫耿隨卿會同太監張保山總兵
官劉漢督同兵備等官遵照先年題奉

欽依事理嚴督巡守官軍各將本軍年貌置造紅牌一面
隨身懸帶門家峪直通黃花鎮一路止許直日巡軍

傳報哨夜驗實牌面批文往來公幹其自龍潭謊砲
兒等處雖公差哨夜亦不許輒自經由致成蹊徑一
切軍民人等如敢故違聽巡視官軍捉拏到官兵備
道重加治罪仍枷號示衆以爲後戒嘉靖四十五年
八月十一日題奉

聖旨是著各官嚴加查訪但有私自出入禁山及巡視官
軍容隱的即便通行重治以慎封守欽此

覆巡撫南贛都御史吳百朋請討三巢疏

題爲乞勦逆賊稱王急救地方大患事職方清吏司案
呈奉本部送兵科抄出巡撫南贛汀漳等處地方提

督軍務都察院右副都御史吳百朋題奉

聖旨該部知道欽此欽遵抄出送司案呈到部看得江西三巢負固不服乍臣乍叛天討之所必誅

國法之所不宥但壘有堅瑕下歷為堅岑岡次之高沙又次之情有順逆高沙頗順岑岡為逆而下歷又逆之甚者乃今提督都御史吳百朋不假調兵毅然以身任之中間方略諒已預定本部難以遙制合候

命下馬上差人移文吳百朋督同叅將蔡汝蘭叅政蔡文副使李佑等或勦或撫相度機宜務中肯綮如果削平一巢或三巢悉平善後事宜應該作何處置列款

具奏務爲經久之計有功效勞人員候巡按御史覈勘至日容臣等酌量具題恭候

宸斷嘉靖四十五年八月十九日題奉

聖旨是欽此

覆福建撫臣報平逆賊吳平嚴行按臣覈勘疏

題爲遵奉

明旨會勦逋寇窮追絕域共收全功恭報蕩平捷音事職方清吏司案呈奉本部送兵科抄出提督軍務兼巡撫福建地方都察院右僉都御史汪道昆題奉

聖旨兵部知道欽此又該提督兩廣軍務兼理巡撫兵部

右侍郎兼都察院右僉都御史吳桂芳揭爲探報海洋賊情乞 賜查究將領議處責成事等因到部通送到司卷查先爲急報海洋賊情事該福建撫按等官都御史汪道昆等揭稱賊首吳平等逃遁入廣東欲行廣東夾勦該本部覆奉

聖旨是這海寇著各官嚴督將兵協心夾勦以靖地方不許推調悞事欽此又爲會勦海中大勢劇賊事該閩廣撫按等官都御史汪道昆等題稱賊首吳平由廣而閩欲要會兵速勦該本部覆奉

聖旨是夾勦已有明旨兩省官如敢推調遷延著巡按御

史從實叅奏處治欽此俱經通行欽遵外又奉本部送
桂提督兩廣電務右侍郎吳桂芳咨爲飛報夾勦海
洋劇賊全捷擒獲首惡事等因到部送司案候間今
該前因通查案呈到部看得巡撫福建都御史汪道
昆提督兩廣侍郎吳桂芳各題揭前因大率謂賊首
吳平等由閩廣遁入安南萬橋山外叅將湯克寬等
分統各路官兵併力火攻各賊焚溺無脫擒斬賊級
三百九十八名顆吳平等擊銃投水身死在汪道昆則
稱事在海南聽廣東御史就近查覈具奏在吳桂芳
則稱吳平等初報被擒繼報投水詞各含糊并叅海防

然將湯克寬福建都司傳應嘉廣東分巡海北道僉
事畢竟立及要將傳應嘉兵船不必再赴雷瓊只住
閩界截殺湯克寬崔刷民舡暫行釋放只留額兵三
千勦捕各一節爲照前項賊寇閩廣之兵分踪追之
於海安南之兵合力拒之於陸吳平窘迫赴水沉溺
餘黨潰亂駢首殲擒據閩廣之將領所報原同查閩
廣之撫臣所奏略異蓋因廣東撫臣嘗以生擒吳平
移咨到部惟恐前後矛盾不得不爲慎重之詞但惟
各該兵舡勞費月久如果實是蕩平持此不決之疑
殊非兵家長計况有功人員例當錄敘而安南恭順

更難輕泯係干激勸相應通行勘處合候

命下移咨都察院轉行廣東巡按御史嚴查吳平如果沉
海瓊雷惠潮一帶別無餘孽即將兩省鎮巡官并叅
將湯克寬等分別功罪從實具奏安南應該作何獎
賞亦就一併議報其湯克寬剽借民舡等項盡數撤
放不許羈留仍聽本部將湯克寬遇有相應員缺酌
量改用嘉靖四十五年八月二十四日題奉

聖旨是欽此

覆兩廣提督侍郎吳桂芳等勦平河源山寇疏

題爲仰仗 天威勦平數縣積惡山寇飛報捷音事職

方清吏司案呈奉本部送兵科抄出提督兩廣軍務兼理巡撫兵部右侍郎兼都察院右僉都御史吳桂芳巡撫南贛汀漳等處地方提督軍務都察院右副都御史吳百朋鎮守兩廣地方總兵官征蠻將軍恭順侯吳繼爵題俱奉

聖旨兵部知道欽此通抄送司卷查先該提督兩廣侍郎吳桂芳巡按廣東御史陳聯芳題該本部看得前項山賊流毒翁源河源二縣之間二縣之人如在水火節經縣人具奏到部臣等行移彼處官司作速勘處竟未見有力任其事者乃今督撫侍郎吳桂芳總

官吳繼爵巡按御史陳聯芳同心協力必欲滅此狂
寇其處已詳其氣甚壯係干地方重情相應通行議
擬合候

命下本部馬上差人賫文交與吳桂芳吳繼爵嚴督守巡
兵備將領等官即將山賊官祖政等巢穴分投踏哨
合用漢達狼土官兵調取到日分布哨道尅期夾攻
一面移咨南贛提督都御史吳百朋督率將兵將嶺
北一帶通賊要路預行把截以防奔突應該應援處
所一體應援一面移咨都察院轉行陳聯芳親詣軍
前隨軍紀功從實回奏等因覆題奉

聖旨是這山賊著吳桂芳吳百朋吳繼爵各嚴督官兵作速勦滅以靖地方欽此已經通行欽遵去後今該前因查呈到部看得提督兩廣侍郎吳桂芳鎮守總兵官吳繼爵巡撫南贛都御史吳百朋各題稱廣東惠州等府河源等處盤據山賊李亞元等今被兩鎮官員分統大兵直搗巢穴擒斬賊級一萬四百六十七名顆俘獲賊酋一千三十九名口奪回被虜男婦八百八十一名口招降過脅從被虜丁口一千二百三十八名撫處過黨與四千一百三十八名口并得獲牲畜器械地方膏慶及稱總統五哨鎮守南贛惠潮總

兵官俞大猷所當復其舊職仍行起川監督龍門從
化哨嶺南道左叅政郭應聘監督龍南哨南贛兵備
右叅政李佑監督河源哨伸威兵備副使張子弘監
督翁源哨南韶兵備副使劉穩監統和平哨廣東副
使王化監督英德哨嶺南兵備僉事李偕統督龍門
從化哨惠潮叅將王詔統督龍南哨南贛叅將蔡汝
蘭統督河源哨廣東遊擊魏宗瀚統督翁源哨廣西
遊擊戴冲霄功當首論江西分守嶺北道右叅政蔡
文廣東提督糧儲左叅議許公高廣東海道紀功副
使莫抑策應翁源哨高肇叅將周整等分理糧餉府

同知張尚等所當陞賞廣東布政司陞任左布政使
萬士和按察司按察使今陞右布政使張淵等所當
賞賚又稱前賊為患經該惠州府知府等官顧言等
各有失事之行陣亡指揮同知陳希周名色把總陳
朝俱應優恤各一節為照前項賊徒毒流諸縣雄據
一方僭擬王侯擅封官爵滔天之惡守臣言之已詳
臣等無容別議即今既就蕩平寔皆仰仗

皇上玄威所致至於各該官員効勞雖同而苦心戮力總
兵俞大猷尤當稱首未經覈實遽難一槩議擬合候
命下將吳桂芳吳繼爵吳百朋俞大猷先行厚加賞賚俞

大猷仍復原職聽候別用郭應聘李佑張子弘劉穩
王化李偕王詔蔡汝蘭魏宗瀚戴冲霄同加賞資其
餘奏內有名官員移咨都察院轉行廣東巡按御史
王用楨作速查勘要見何官功多雖經賞資仍該陞
錄何官功少止該給賞何官功過相當應該准贖何
官有罪無功應該究治并將陣亡指揮把總等項逐
一分別等第造冊具奏但 恩典出自

朝廷嘉靖四十五年八月二十四日題奉

聖旨這山寇耽平吳桂芳吳繼爵吳百朋俞大猷各先賞
銀三十兩紵絲二表裡俞大猷仍復原職聽候別用郭

應聘等各十五兩一表裡其餘俱依擬欽此

請命雲南川貴鎮巡重臣協勦逆酋鳳繼祖等疏
題爲久叛夷酋怙惡背撫謀據新城大肆猖獗懇乞

聖明切責鎮巡重臣協心勦除以正 國法以安地方事
職方清吏司案呈奉本部送兵科抄出巡按雲南監
察御史劉思問題又該巡撫雲南等處地方兼贊理
軍務兵部尚書兼都察院右都御史呂光洵題爲久
叛夷酋糾合逆黨謀據府城大肆猖獗乞 勅隣省
會兵征勦以彰 國法以安地方事與同鎮守雲南
總兵官征南將軍黔國公沐朝弼題俱奉

聖旨兵部知道欽此欽遵通抄送司案呈到部看得雲南
土酋鳳繼祖本以異姓之孽敢肆逆天之惡擅殺人
命謀據麗城比之往歲逼逐主毋抗敵官兵之罪不
惟不知省改抑又過之若使再從撫處法紀湯然萬
一各夷效尤扇動之禍何時而已其在今日必當勦
捕無疑但詳此賊之意得利則荼毒雲南長逞不軌
之私不得利則遁逃四川暫爲偷生之計必須雲貴
四川三省同心同力事方克濟合候

命下本部馬上差人賁文交與鎮守總兵官沐朝弼巡撫
尚書呂光洵查照分定哨道官兵務將鳳繼祖或生

擒或斬首以正法典其餘脅從之徒聽其出首與免
本罪中間有能擒斬鳳繼祖報官者賞銀三百兩以
示優異一面移咨四川巡撫都御史譚綸嚴督建昌
敘瀘兵備等道禁戢建昌東川二處土夷不許交通
鳳賊越界助虐仍要發兵策應彼此夾攻萬一逃至
彼中即便綁縛獻出以見恭順 朝廷之意

朝廷自有重大陞賞決不吝惜如或怙終黨比
國典具存自難輕貸一面移咨貴州巡撫都御史陳洪
濛速行畢節兵備道發兵會勦建昌敘瀘畢節三兵
備并四川行都司等衙門暫聽雲南巡撫節制事寧

照得其雲南省城六衛軍士總兵巡撫逐一清查如何可濟目前之用如何可謂經久之圖徑自施行不相逆制大抵將相和調士方豫附地方之警總兵之責爲重而巡撫即次之經理之要總兵之盡既定而巡撫即當贊之若使彼此推延互相觀望本實先撥必爲枝葉之害以後沐朝弼呂光洵各要切同舟之誼奮共濟之義毋以小嫌而蠹大計毋以已私而壞公事滅此狂寇方可朝食若使因循玩愒坐失事機聽巡按御史從實叅奏重加究治嘉靖四十五年九月初二日題奉、

聖旨是征勦重務著鎮巡官協心幹理以靖地方如敢以
小嫌致妨大計重罪不饒欽此

覆兩廣提督侍郎吳桂芳等條議恢復古田縣疏
題爲撞賊畏威向化通復又陷縣治懇乞

天恩議處善後事宜以成恢復大計事職方清吏司案呈
奉本部送兵科抄出提督兩廣軍務兼理巡撫兵部
右侍郎兼都察院右僉都御史吳桂芳鎮守兩廣地
方總兵官征蠻將軍恭順侯吳繼爵題俱奉

聖旨兵部知道欽此通抄送司案呈到部看得提督兩廣
軍務右侍郎吳桂芳鎮守總兵官吳繼爵各具題前

因大率謂盤據古田獐賊勦則動調大兵所費甚廣
輿論不一撫則恢復巨邑餘力不勞輿論僉同遂將
撫處縣治善後將領二事審時度勢合就開立前件
議擬上請定奪嘉靖四十五年九月初二日題奉

聖旨依議行欽此

一報撫處過機宜大率謂古田獐賊竊據縣治近因
二源兵威懼征悔禍懇請縣官甘輸 國賦開山通
道立堡納兵聽撫效順及稱典史廖元量陞本縣主
簿俾終任事一節爲照古田之議玉石既分順逆有
狀該縣止四里獐人既能請官治縣因地認糧典史

廖元又能勞狹安戢漸有成效其事均可嘉尚日後利鈍固難逆料目前注措殊已周詳合無依其所擬備行吳桂芳吳繼爵轉行叅政莊朝賓等坐委卜禎廖元毋求近圖從容經理下四里之良犇應該作何綏以文教鳳凰等里之逆犇應該作何奮以武衛一以潛消舊患一以明著新功方爲上策所據典史廖元陞以本縣主簿似亦相應移咨吏部徑自具奏一議善後將領大率謂厝西兵柄全歸撫夷司道副總兵止管桂平兩府動成掣肘欲要照依舊例復設總兵或仍舊副總加重職任添選部兵乍制即

備衛所應行征勦事宜聽其從便及稱見任副總兵
門崇文近欠振揚併擬降革以示曲全一節爲照廣
西地方先年原設總兵官一員與巡撫都御史兩府
並列稱爲撫鎮以後改設副總兵官職已輕又添撫
夷道事權更殺即今古田之事正在整飭而豪宗悍
卒兩成枕挽委當通行議處令無斟酌所擬將門崇
文革去見任聽調別用該省仍照舊例設鎮守總兵
官聽本部會官推舉相應官二員請

旨簡用量加府銜令其兼制柳州慶遠一帶地方其叅守
衛所各項官員遇有征勦事情許其便宜從事一面

先發一面呈報軍門不許遙制撫夷道僉事仍聽本
總會行不許分毫專決竟成掣肘另擬責任換給
勅書令其欽遵行事其餘振兵禁奸併查營堡汰處虛兵
等項一切古田善後事宜俱聽新任總兵徑自舉行
覆都給事中歐陽一敬等條議邊務疏

題爲申明禦邊要議以防深秋事職方清吏司案呈奉
本部送兵科抄出兵科都給事中歐陽一敬等題奉
聖旨兵部知道欽此欽遵抄出送司案呈到部看得兵科
都給事中歐陽一敬等所題六事雖爲防秋而言提
綱挈領均屬邊圉經久之計合就開立前件議擬上

請定等嘉靖四十五年九月初九日題奉

聖旨依議行欽此

一重貢主將大率謂總兵任大責重適年失事之責
輕於督撫以致總兵推託懈弛督撫曲爲庇護地方
失事要將總兵坐以主將不固守之律叅道等官併
行處治督撫扶同隱蔽聽巡按御史及該科糾劾及
稱將官如有平時多過臨時難恃者督撫亦須不時
訪劾一節深切時弊蓋總督巡撫均有督察之責總
兵怯懦有罪固不當與之同罰總兵奮勇有功亦不
當與之同賞祇緣各官一遇捷報輒自認爲已有交

口推獎惟恐不及賞既列於上格罰自難從末減合
無斟酌所擬以後賊虜入境保障有方督撫總兵同
一論功若總兵血戰有功止論總兵之功督撫不得
干預調遣夫宜錢糧無備以致地方不守其罪併坐
督撫若守備不嚴紀律不肅臨陣退縮則總副叅遊
等官之罪各當依律問遣督撫難以併坐所屬將領
果有不職者督撫官務要不時論劾不得容奸養惡
重悞邊計違者在外聽巡按御史在內聽臣等與該
科指名叅治

二嚴肅軍令大率欲要申命各邊督撫總兵官若官

軍臨陣退縮有就陣斬之以徇訛言惑衆者亦就斬之蓋軍法以爲主兩軍相合成敗之勢在於呼吸如果退縮以沮衆氣訛言以惑衆心自當即於軍前明示顯戮至其交戰之後雖有重大罪狀必須會審無異奏請明日方許處決

三斫刼營壘入率謂虜賊初入與其將出跋山履險力索氣盡欲乘其困憊分遣精銳斫刼營壘一以先則制人一一以擊其惰歸均爲兵家要務但事機之會間不容髮全在臨時調度難以遙斷合無依其所擬備行各邊賞撫總兵等官今後如遇虜騎突入喘

息未定虜入勞久困睡方濃分遣死士或夜斫其營或晝擊其惰或另發勁兵搗其巢穴多方誤之方爲上策

四鼓倡勇敢人率欲要厚養標兵家丁以示觀望重賞衝鋒獲級以樹風聲無非倡勇敢以求滅虜之意合無依其所擬備行各邊督撫總兵等官今後各將所選標兵所隨家丁平時厚其糧賞豐其衣甲以養精力臨陣之時果有奮勇先登單馬斬獲者除徑自重賞外仍從官奏請以憑不次陞級以示優異五申明法令六率謂近時各邊將領外多通虜內事

結交習成故套牢不可破欲要重加懲治及要將總
兵官姜應熊速寘法典叅將王楠守備林鳳舉並宜
問革一則嚴夷夏之大防一則杜奔趨之私徑均於
邊方有益合無依其所擬備行都察院轉行宣大山
西各巡按御史會同總督軍門一面將姜應熊亟行
勘問一面將王楠林鳳舉通提到官照例問擬各另
奏請仍聽本部通行各邊督撫鎮守衙門將前項通
虜結交情弊明示禁戢以昭後戒

六勘覈功罪大率謂比年各邊功罪勘報稽遲欲要
量地定限通行完報及要催查寧夏延綏宣府各處

近日失事查與給事中魏時亮所題重

君命以肅臣紀之意大略相同合無依其所擬備行都察院轉行宣大陝西各巡按御史先將宣府黨安等處延綏筆架城等處寧夏鎮北關等處作速查勘要見某處失事爲多某官罪重某處失事爲少某官罪輕某爲有功當賞某爲有罪當罰某爲功過相當當贖文書到日通限十月以裏具實回奏一面通行南北沿邊沿海巡按御史將本部近日開去未完勘合但係倭虜功罪務照先年擬定事例大事限二箇月以裏小事限一箇月以裏各另完奏不得任意停閣自

取疎怠之議

覆兩廣提督侍郎吳桂芳等報程鄉縣民作亂疏
題爲縣卒糾賊執官據城仰仗

天威旋就撲滅底定事職方清吏司案呈奉本部送兵科
抄出提督兩廣軍務兼理巡撫兵部右侍郎兼都察
院右僉都御史吳桂芳鎮守兩廣地方總兵官征蠻
將軍恭順侯吳繼爵題俱奉

聖旨該部知道欽此欽遵通抄送司卷查近該巡按廣東
監察御史陳聯芳題爲飛報縣城變亂事情事內稱
程鄉縣強賊李大亮等占據城池質官刦庫殺人放

火等因該本部覆議馬上差人賁文交與提督侍郎
吳桂芳會同總兵官吳繼爵一面將致賊根因從實
體勘一面將倡亂之徒再加查審擒獲楊大總是否
首惡有無漏網解散者是否協從應否免究知縣顏
若愚作何發落地方善後事宜作何處置從實回奏
一面移咨都察院轉行接管巡按御史王用楨將前
後賊情嚴行查覈要覓致盜起於何人靖盜出於何
官某人有罪某人有功某人功罪相當某人功浮於
罪干碍守巡兵備一併查叅文書到日立限回奏不
許延緩題奉

欽依通行欽遵去後今該前因查呈到部臣等看得程鄉縣知縣顏若愚如果貪殘不法撫鎮官自當不時劾罷以消地方之患及至奸民作耗執官殺吏放火據城不行振飭紀綱削平叛亂乃復先罪知縣冠履倒置何以善後且該縣狼虎之穴甲科進士資格雖優初入仕途事體未必熟練係干地方相應通行酌處合候

命下仍咨都察院轉行彼處巡按御史查照先今事理即查顏若愚是否貪殘應該作何處置具由回奏不得輕易提問盡壞政體一面移咨吏部先行作缺於附

近縣分咨訪舉人出身如近年王化徐甫宰者徑自
調補以後立有成效不次擢用以示激勸嘉靖四十
五年九月初九日題奉

聖旨是欽此

楊襄毅公本兵疏議卷十九終